

靈寶縣誌

卷之四
風俗
列女

靈寶縣志卷之四

邑令華容周慶增
署令江夏王道暉
邑令萊陽初元方

次

忠義孝弟志

一介而垂重於綱常匹夫而爭光于日月固地靈之特
鍾亦天性之孤行靈邑為分陝重地代生賢喆如杜眾
李情等之忠烈梁文貞李思齊等之孝友以逮焦紹輔
李守鈔玉沛等之尚義載在志乘光生簡冊夫蘊玉者
山輝含珠者川媚若忠義孝弟諸君子夫非徒一時之

靈寶縣志

卷之四

忠義孝弟

一

表範而實為百代之觀型也顧可不廣為蒐輯而令其
淹沒勿彰耶志忠義孝弟

漢 杜 眾 弘農人忠諫獲罪見鄉賢

唐 梁文貞 純孝見鄉賢

明 李 情 討賊死難見鄉賢

許 實家貧無資常以賣飯為業一日有商飯訖遺
橐而去翁檢視之有金數十封謂媪曰誰家兒疎
虞至此吾竇人不可享非所有且客致此金良苦
必俟之居久無過而問者遂坎地座焉後十年有

客至語及十年前在此失千金不覺悲涕翁叩得其實掘地出前金橐曰子故物也待子于此十年矣解橐視金封識如故客感泣欲留其半堅辭不受後翁孫進爲吏部尚書生八子誥讚論三子爲尚書詩詞誌皆爲名宦其一詔鄉試皆翁積德之所致云

善慶錄亦載之

胡廣有至性正統間居父喪廬墓三年朝夕哀慕日進一粥柴毀骨立鄉隣遺錢羨泣謝不受手植松栢成林服既除終身不御酒肉

靈寶縣志

卷之四

忠義孝弟

一一

賀宗儒 呂尚古諸生也親歿皆廬墓三年有司欲聞之輒懇辭而止

李思齊病痿父老無他子泣告父曰兒已無望後嗣矣惟父早圖其父納側室生思濟思潤父歿族中惡少欲害二子思齊擁抱晝夜不離卽耕必置于前如此十餘年二兒皆成立言及思齊則泣下如其母

趙諄城東里人親歿廬墓終喪兄弟分居不受產業兩修學宮捐百金有司重之以孝友尚義表其閭

貢錦王梁里人性孝友父勝病篤錦焚香告天願以身代割股肉爲食父病遂痊待弟鉞友愛甚摯終身不異財產錦歿子天祿事鉞如父人稱一門孝友

焦紹輔城東里人有至性好施予屢值凶荒輸粟三千石全活甚衆當道重其義而詳請有義活萬人之旌

張江城東里人正德中祖母朱氏病篤割左股肉以進病愈朱年八十餘卒嘉靖歲父懷病篤割右股肉

爲餃食病亦痊父年八十三卒諺稱爲雙割報孝

許達 捐身殉國事見武秩

庠生彭桐下磴里人文行俱優父病侍湯藥衣不解帶父歿廬墓終喪母歿亦如之兄弟分產多讓諸弟嘗施棺地座無依之襯捐粟賑荒督學旌之本里白龍廟前古栢七十八株官將號伐桐自賣腴田納價贖存誠感白龍入夢

許佳 流寇陷城死難見武秩

庠生楊一鉉性孝友祖病侍湯藥不離左右祖歿廬

墓三年母病比歿一如事祖者邑令旌表

李仲實母老患病思肉食貧不能辦乃割股肉奉母
病尋愈邑有旌匾

許輝幼習道陵之術知禮義爲陰陽官崇貞六年被
賊擄去誓死不從罵不絕口賊怒遂屠其家

李璣齒德兼隆端方正直善保頤絕匪交壽登百有
六歲舉壽官

杜簡主人故遺子孤幼無所依簡撫孤有成以繼主
嗣旌記彰善亭匾曰撫孤高義

李守鈔拾金千兩仗義還主邑令給匾曰還金高義
王賜古驛人仗義周急正統戊辰年散粟三千石景
泰庚午年散粟一千五十石皆奉 旨獎異縣令
秦中等勒石記之

李璞下磴里民成化七年出粟賑饑 皇恩獎諭
勅爲義民璞孫實貴 孫學皆謹守家法

王沛字道行號近閣性慷慨重然諾萬歷三十七年
歲大荒出粟三千石賑濟一方鄉里全活者甚衆
後奉 勅封義官爲鴻臚寺少卿

國朝

許澹然字泊卿號廣崖襄毅公四世孫也弱冠入庠事親色養崇貞十七年流寇陷城然棄妻子負父奔逃數遇賊欲刃其父然跪請身代卒得免後闖逆追餉宦裔父子俱禁囹圄賊徒拷掠飲食不得入口然哀號跪拜獄卒憐之四閱月卒保無恙孝行傳播前令屢旌其門

趙俊

明懷

小河里陽店村人忠厚勤儉家頗豐崇貞間遭奇荒明懷散粟數百石全活多人又闖逆將欲

靈寶縣志

卷之四

忠義孝弟

五

破寨明懷出貲修築率衆嚴守獨此一村得免仗義疎財有古人風

孟維岳朱陽里監生周急恤困康熙三十一年奇荒有闖鄉流民郭進武一家數口逃至本村岳與之住居給以薪米數年不倦後又爲娶妻成家撥給地畝而代輸其稅六十年歲荒有芮城縣民張應級鬻妻賣子力爲勸阻給之口糧地畝保聚其家室撫憲 雅載入彰善錄

何瑛字繼陽古驛村監生性孝友好施予康熙六十

年歲歉出粟二百餘石散給村衆有蒲商
壞瑛出貲十金覓人撈出給還又乾隆四年
客船沉水瑛雇人撈救得免藩憲 趙有耆年
行之旌撫憲 雅飭登彰善坊表以月旦儀型壽
九十餘

韓霆字電章增廣生性至孝七歲卽知出告反面及
長備極色養父延禧以考貢沒於新安號呼扶襯
徒步三百里叔父延禔臨終託孤歲荒賦無所出
賣己田代納爲友史流芳完娶及周急族黨無德

色

陳直字際聖廩生學問博雅設立義學爲親族子弟
延師課讀遇歲荒出粟百餘石賑濟鄉鄰邑人以
義調桑梓表其門

陳鳳本城人豪爽好施監修城池勤勞急公姊適吉
門早寡無子赤貧少依鳳迎歸養給四十餘年如
一日歲荒遇貧困者給以衣食有陝西客人病
店中捐金送歸邑令 程匾曰樂善不倦 張旌
以樂善好施壽八十二

王嘉駒字修鱗王塚里監生事孀母四十年委曲色
養舅氏赤貧爲營辦養葬歲荒嘗散粟百餘石性
愠和喜讀書行止有規矩邑令 張旌曰德并嵩
高

許寤字覺先城南里監生性至孝善色養父錦得患
症寤爲椅輿率子弟舁遊後病不起侍湯藥扶持
便溺晝夜不眠者三年目幾盲父歿哀毀骨立朝
夕進飲食如生時葬後不時省墓邑令 胡旌曰
鞠躬盡孝 張旌曰孝行維風

孝義志餘

善善欲長風勸之意也一邑之中偏長善足以砥末俗而挽頹風者槩不乏人茲

川博採兼收以示鼓勵云爾

國朝

楊清廩生字濂生本城人品行端方事親能盡子道

撫憲 田表曰克振儒風學使 吳表曰孝友宜

家郡守 程旌曰率先孝友

韓程字季川城南里監生善體母志舅氏家貧無子

程爲娶妾立嗣以慰母心鄉里推重

王帝命監生字天庥處己端方與人謙恕臨財不苟

靈寶縣志

卷之四

孝義志餘

八

道憲 張旌曰端廉範俗

茹大興三歲失母事繼母孫氏劉氏皆備極恭謹友

愛異母弟撫育孤侄愈於己子學師 王匾曰母

節子孝兄友弟恭

劉福祥本城人與其兄福貴分居後貴產蕭條祥再

請合爨不從乃伺其不足者輒補之并代還債逋

兄歿竭力營葬又爲其侄完娶邑令 王匾曰悌

道樹聲

列女志

夫婦爲人倫之首女之節乃與臣之忠子之孝相埒此
砥俗之所以首諸此也博稽載籍及舊乘所記與近今
所傳聞者輯爲一編其間或以貴著謂后妃或以節顯或
以賢淑稱殆所謂毓紫氣之靈而孕黃河之秀者列之
簡冊其芳徽不且長留天地哉志列女

后妃

晉武帝楊悼皇后諱芷字季蘭虢州弘農人元后從妹
太傅駿女咸寧三年武帝立爲皇后

靈寶縣志

卷之四

列女

一

節烈

晉

楊氏弘農人適涼呂纂纂爲呂超所害楊與侍婢殯
纂於城西將出宮超慮其齎珍物使人搜之楊厲
聲曰爾兄弟手亦相屠我旦夕死人耳何用金寶
超慚而退又謂其父桓曰后若自殺禍及卿宗桓
惧以告楊曰大人本賣女圖富貴一之已甚其可
再乎乃自殺

呂紹妻張氏有苦操年十六紹死便請爲尼呂隆見

而悅之欲穢其行張曰欽樂至道誓不受辱遂
樓自投於地二脛俱折口誦佛經而死

明

蘓六妻屈氏年二十三歲夫亡氏躬治含斂葬畢

靈寶縣志

卷之四

列女

一一

截髮誓不再適正統間旌其門

呂才妻李氏夫亡氏二十二歲晝夜哭泣屏膏茹素

三十餘年屢值凶荒歲節操愈堅詔旌表之

武功縣學生康栗妻楊氏乃布政楊惟康女夫死氏

吞砒霜者數次以療救獲免及葬復吞之兄宋以

療藥進氏擲於地曰夫死我在何益不如速死爲

愈言畢而卒事聞奉詔建祠立坊春秋祭品載著

賦役血食萬年碑記載藝文

廩生楊宋妻康氏係工部郎中康浩女宋以哭妹感

疾且革氏卽自誓以死家人防勸周至氏佯爲自
解且慰其姑勿悲慟防稍疎乃以所蓄砒潛服之比
卒姑視其奩皆屑瑣完固若將遠行者蓋其志素
定云事聞奉 旨特賜旌表春秋崇祀與夫妹嫁
康栗者同建祠坊稱爲雙烈

舉人張琨妻李氏義官李紳之女二十二夫亡家計
落寞氏事舅姑撫遺子苦節自矢年九十餘歿子悅
廬於墓側哀慟而死許襄毅公每嘉嘆之

馮聰妻郭氏二十三而寡未有子夫弟利聘財欲嫁

之郭號慟自投河遇救乃已守節六十年凜如一日
趙烈眞梁村里趙九女許字邵景全未行聘景全歿烈
眞欲往會葬父母義而許之遂不復歸日事織紡以
供舅姑及老各以禮葬眞年七十有七

呂姜祖通判呂澤之女年十四父罷官歸嘗夜 群
盜數十鼓譟入其家執父索財欲殺之家人走避
姜處層樓望見卽躍下持父大哭曰寧殺我無苦
吾父群盜驚愕義而舍之

劉氏名棟兒劉景隆女劉注劉余之姑因劉世富將

長侄劉注推墀害死劉氏盟誓不適守次侄劉余
七十五歲而卒

醫官王建忠妻秦氏夫歿哀毀痛絕七日不食而死
夫婦同穴士民嘉其貞烈立碑建坊於墓旁

李門三烈生員李明沆妻李氏廩生李明夔妻張氏
生員李明龍妻陳氏崇禎十四年流寇破城妯娌
三人同心死節各以線密縫衣裙共投一井而死
季年二十八張年二十陳年十九邑令詳請上憲
褒旌詞曰節凜一門芳傳千古寸腸似鐵白骨如

靈寶縣志

卷之四

列女

四

銀中書孫暮昌有三夫人節烈記載藝文雍正十
年題旌建坊入祠

恩官張復德妻高氏夫早逝遺子元亮甫三歲氏立
志守節堅貞不二撫孤子德行媲美任原武縣教

諭

合州吏目許著然妻陳氏闖逆破城舉家逃散氏獨
處于家罵賊而死

舉人孟侯母彭氏明末寇亂氏年二十有一子侯方
週歲襁褓避難群寇脅逼怒罵自刎遺侯草莽中

無恙邑令詳請旌表

生員費必舉妻陳氏舉亡氏年二十堅心守節三十餘年流寇陷城罵賊而死

許烜妻李氏流寇破城群盜闖入其家與女二姐處層樓上潔白一心俱行自刎

監生何懷橘妻張氏年一十九歲夫亡矢志守節撫訓三子長次入庠三授太醫院醫官屢有旌匾

李士潔妻常氏夫亡氏二十一歲遺孤二氏苦節三十餘年遇亂罵賊而死

靈寶縣志

卷之四

列女

五

庠生李時潤妻趙氏年二十七素堅節操遇寇被擄百折不屈自刎而死越三日寇退家人收屍葬之生員彭挺妻楊氏挺卒家計寥落氏堅志自守勤紡績事翁姑以壽終撫遺子清白之操凜如一日歷四十餘年

生員王自捷妻焦氏年十九夫亡氏堅心自守撫侄化淳爲嗣五十餘年清操自凜化淳官任副使贈太恭人

生員彭璜妻焦氏二十二歲 闖逆之亂流寇脅迫

氏正色罵賊殞身於井賊恨撈屍碎斷仍棄井中
人共憐之公舉旌表

國朝

劉自正妻王氏二十五歲夫病篤以失養爲恨囑氏
供奉老母氏泣誓終養兼撫幼女歷盡艱辛始終
不渝苦節四十年

庠生亢起鳳妻張氏二十三夫亡遺子萬程方彌月
氏撫育旣娶撥廩未幾亦逝媳韓氏十九與姑同
守節八年寇亂避居大陽寨寨將破媳恐辱及積

靈寶縣志

卷之四

列女

六

薪自焚張獨子守九十七而卒

劉道芬妻雒氏二十二歲夫亡遺二子尚幼氏上事
孀姑下撫幼子四十餘年不改節操

指揮許佳 妻李氏芮城生員李燿女 殞難氏年
甚少孝姑撫子操凜霜嚴縣令 旌其門

秦宏道妻張氏年二十二夫亡上有翁姑下有子女
屢值兵荒節操益凜苦歷三十餘年

彭齡長妻王氏十九長歿遺孕生子氏持節勵志織

紡教讀甫成立又逝孺子無依不改節操苦守五十年

生員王化洽妻張氏二十九歲夫亡子二女一俱在襁褓氏苦守撫育歷變亂貞操愈堅子皆成立氏年八十有一

張爾謙妻薛氏二十一歲夫亡遺子女各一家貧姑老又值奇荒死者相枕氏葬姑以禮教子有方苦節四十五年

生員白連璧妻張氏卽張爾謙女薛節婦所生年二

十五連璧暴卒遺子三人俱幼氏事親教子艱苦備嘗長登賢書其餘子孫多列庠序壽八十餘

庠生白玉澤妻趙氏澤於崇禎六年罵賊而死氏年二十四痛夫非命幾欲自殞奈女一子二內外無依苦節撫育四十八年二子遊泮女以節顯節義之風萃於一門

庠生陳文策妻白氏卽白玉澤所遺女也十九歲策死氏子女無出形單影隻操守愈堅年六十二歲卒

增生王銘新妻孟氏十五歲適王門二十 新故遺

子城方週歲氏上事舅姑下撫幼子辛勤五十

年子城入庠

生員王琮妻文氏十六歲適琮 幼琮歿氏

苦節撫孤十五年爲 娶妻李氏李又年十九

而寡未有子與姑同守 姑 病侍湯藥六

年無倦文歿拮据殯葬畢水漿不入口 亡

錫 入庠稍慰雙魂

庠生許澹然繼妻張氏年十四適許前室遺二女

靈寶縣志

卷之四

列女

八

離襁褓撫如己出時流寇 然父子

餽食骨肉重聚然染癰症 值父疾氏嘗藥

氏

生員李埒妻焦氏年二十六夫故氏孝事翁姑撫三

月嬰兒送死養生苦節四十餘年

妻萬氏二十二歲夫亡子方彌月

節四十 二年

楊我猷妻蘓氏十五歲適猷二載夫亡生子方三
家貧姑老氏織紝奉母針指哺兒苦節三十餘年
撫孤成立

庠生張奏恭妻焦氏少司空焦衍豐之曾孫女也十
八歲夫亡時翁姑停柩在家氏營卜宅兆先舅姑
而後夫孤燈隻影四十七年邑令旌閭賜粟
程騰鯨妻吳氏年少夫亡子甫彌月家貧織紝自給
撫孤成立享年八十有三臬憲旌其閭

劉光成妻徐氏二十九夫亡遺子方週氏矢志自守

貧且益堅撫子有成年八十一

張煒然妻喬氏二十而寡翁姑衰老子女幼弱氏矢
貞不渝仰事俯畜六十餘年前令 江表曰節操
可嘉

閭養恒妻楊氏順治間土寇猖獗攻寨被虜迫氏女
郎女山下欲辱之氏大罵不從賊怒斷其頭後搜
屍于岩下葬之

楊景芳妻張氏夫故氏二十八歲親族無依矢志撫
二孤既娶又亡復撫兩孫俾至成立壽九十有五

楊永寧妻陳氏十九夫亡遺子歲餘伶仃無依父母

勸之嫁氏矢志守貞苦歷四十餘年邑令旌之

文耀妻孟氏十五適文生子七歲耀亡氏苦守撫成娶

婦馬氏生子數月夫婦俱亡氏復撫孫三十餘載

縣令給匾旌表

廩生陳大紀妻阮氏指揮阮健女二十夫亡遺子方

十月氏矢志守節累遭兵荒不易其操苦歷四十

餘年

王興國妻荆氏二十夫亡翁姑年老子女俱幼氏紡

靈寶縣志

卷之四

列女

十

績度日養葬翁姑以禮撫子女及時婚嫁時稱苦

節者以氏爲最

董行運妻楊氏夫故二十五歲家貧翁姑年老遺子

三氏奉翁姑撫三子苦節五十餘年前令旌獎

增生彭如瑾妻郭氏二十二歲夫亡子心融未及兩歲

氏竭力奉八旬翁姑訓子入庠七十三歲而卒

庠生王杰妻杜氏年二十一生子嘉鄭少亡監生王

大議妻張氏生子嘉駒未週歲杰兄弟繼亡二氏

共撫一子苦志數十年杜五十四張六十六卒嘉

駒入國學孫枝四人分繼兩門雍正十一年奉
旌建坊

郭爾鏃妻李氏二十二歲夫亡遺子聖言甫數月郭
爾鈇妻楊氏十九歲而寡并無子息二氏共勵冰
操事舅姑撫孤兒李氏五十九歲卒楊六十七雍
正十一年 旌表建坊

齊卿孟妻王氏二十五歲夫亡子甫三歲祖母年八
十姑六十餘氏竭力奉養喪葬盡禮子亦成立雍
正十二年奉 旌建坊

靈寶縣志

卷之四

列女

十一

李金勝妻焦氏二十九歲夫亡子光裕甫週氏苦志
守節撫子成立雍正十一年奉 旌建坊年八十
一歲

王隆治妻史氏二十四夫亡遺腹生子甘貧撫孤苦
志四十二年雍正十一年 旌表

茹大順妻康氏十九夫亡遺子在抱矢志守節六十
三而卒乾隆四年 旌表建坊

許涵妻韓氏年二十夫故子幼矢志守節奉姑撫子
凡四十六年乾隆八年奉 旌建坊

焦經綱妻蘓氏二十二歲夫亡子方週姑老多病氏

奉姑撫子守節四十二年乾隆六年 旌表

常執信之母呂氏二十四歲夫亡子方二週氏事親撫

孤守節四十三年乾隆六年 旌表

葛延樞妻杜氏十九歲夫亡無子立志守節擇繼已

經三載父憐其少欲令改適氏剪髮自縊乾隆五

年奉 旌建坊

庠生李鳳林妻張氏二十二歲夫亡姑老子幼苦志

守節四十餘年乾隆四年奉 旌建坊

靈寶縣志

卷之四

列女

十一

王一忠妻曾氏十九夫亡上事翁姑下撫幼子苦節

三十八年乾隆十年 旌表

葛延壽妻辛氏二十五歲夫亡子幼矢志守節撫子

成立苦歷三十五年乾隆十年奉 旌

貢生楊州杰妻唐氏幼嫻閨訓及歸楊尤執婦道舅

歿姑老夫出外未回氏代職孝養有虔拜北斗得

鯉井中之異姑亡哀毀嘔血而卒邑令 旌

曰孝德堪嘉學使 于表曰淑行天成郡守 張

採入河南府志

庠生許璠妻王氏二十夫亡姑老子幼夫有二弟
爲撫育子入國學守節四十餘年

趙昇林妻郭氏二十四歲夫亡矢志守節奉姑壽終
撫子入庠凡四十二年邑令 程旌以冰節堪

風學使 吳表曰節慈流芳

姚偉章妻潘氏年十九夫亡遺子週歲繼姑改適亦
遺一子氏兩撫之苦守四十八年邑令 多旌以

苦節撫孤郡守 張採入府志

景陵縣丞王薤極妻姚氏幼聰慧通女經適王克執

婦道夫赴任以父母年老留氏奉養嘗遇病晨昏
不離左右湯藥唯謹既歿喪葬以禮邑令 江旌
以代子修職

張抱妻祝氏夫亡氏二十七歲遺子三月氏以節自
誓奉翁姑盡禮撫幼子成名六十一而卒學使

王旌曰栢節松心

醫官李埏妻屈氏年十九適埏生子數月埏逝氏苦
節撫孤二十年爲子取妻荆氏生子洋方週歲洋
父又亡屈亦歿繼姑守節四十餘卒今六十五

歲

史良臣妻張氏二十六歲夫亡遺子三歲祖母及翁姑多病氏婦代子職養葬如禮撫子成立壽九十
一而卒

張郃妻李氏十八適張一載郃亡遺腹生子氏勵志
苦節奉姑撫子三十餘年子亦入庠

張申妻姚氏孝奉翁姑姑性頗嚴或有督責色養自如翁姑食必待門外風雪不避姑病侍湯藥始終不倦

陳大泰妻茹氏二十三歲生子陳詩方三歲泰亡氏

靈寶縣志

卷之四

列女

十四

矢志守節撫孤子入國學今五十四歲

兆吉妻史氏二十七而寡遺子渭霞六歲氏歷盡艱苦撫子成立任南海縣河泊所氏年七十有六萬繼緒妻張氏二十五歲夫亡翁姑年老遺二子俱在提携氏矢志不二仰事俯育苦歷三十餘年今六十三歲

呂兆瑜妻楊氏事翁姑克盡婦道繼姑亡遺子數歲氏殷勤撫育一如己子夫歿時氏二十九今七十
一歲

李瑞妻張氏年十六適李生子俊方六歲夫亡事翁姑
曲盡婦道撫子成立苦節自守享年九十餘

監生張振江妻閻氏二十四歲夫亡無子翁姑年老
取嗣承繼孝養翁姑守節三十五年

馮靜益妻孟氏年二十四夫亡遺子三歲赤貧無依
氏苦志守節撫孤成立今歷三十三年

許潤妻衛氏年二十四夫亡遺子七歲翁姑年老紡
績以給事育今年五十六歲

蘓毓祥妻何氏年二十夫故家貧姑老氏孝養無缺姑

歿喪葬如禮撫幼子成立今歷三十一年

彭君選妻張氏年十七夫亡遺腹子登榜夫胞兄夫
婦繼亡遺幼侄登科登第氏盡力鞠養撫育成立
今五十一歲

許愷妻侯氏十八歲夫亡無子翁姑年老家貧無度
氏紡績以供晨夕今年五十七歲

張紳妻宋氏年二十二夫亡子二週氏孝事老姑撫
育幼子今已成立年六十一歲

張毓俊繼妻張氏年十九適俊未及一載俊亡子女無

出俊有前妻遺子寄養異姓氏取歸撫養俾至
立苦節三十餘年

許涅妻薛氏年十九夫亡無子女父母欲令改適不
從撫侄爲嗣苦守三十七年

建樞妻王氏二十四而寡勤織紡以撫遺孤守節五
十七載壽八十一而卒

張廷紹妻杭氏二十一歲夫亡苦節自守撫孤成立
現年七十八歲

張淮妻許氏十九夫亡姑老子方數月氏誓志守節

姑得終年子亦成立卒年七十餘卒

李灃妻張氏二十一夫亡生子未週歲翁姑早逝祖
翁七十餘夫有弟僅八歲氏仰事俯育苦節四十
餘年

陳君召妻張氏十九夫亡遺子方五日上有老姑家
貧無依氏紡織供給養姑育子苦節四十六年

許汝妻王氏二十二歲夫亡無子孳孳獨守俟其伯
兄又生一子乃取爲嗣苦節二十九載

王如綸妻王氏二十七夫亡家貧事孀姑以孝撫遺

子成立

其間

蘇忠妻韓氏二十七而寡一

斷火志終不移今已三十年

韓宏休妻張氏二十五歲夫亡遺子延禮

冰操自堅撫孤成立子孫蕃衍七十三而

周慶增旌以松筠毓秀

梁朝選妻陳氏工部員外郎陳主策女適梁孝事翁

姑十九歲夫亡子天寵未逾月氏苦節自守四十

靈寶縣志

卷之四

列女

十七

餘年子入國學孫亦食餼

生員何承清妻張氏年十八夫故矢志冰霜事親撫

孤現年五十八歲

增生張予珩妻張氏年二十二夫亡姑七旬氏委曲

承奉二子俱幼撫孤成立年六十二歲卒

王拱極妻張氏年二十五夫亡苦撫遺孤持家勤儉

先年廢田一概回贖守節六十五而卒

韓延祜妻王氏新安舉人王澤宏女十九夫亡子女

無出族人謀奪其志其姑令避居新安議立姪霞

爲嗣及歸家資一空氏甘貧自守奉姑訓子
餘卒

荆樂臣妻張氏二十七夫亡家極貧以女工度日撫
孤成立現年七十歲

增生韓震妻建氏二十六歲守節歷久彌堅教三子
俱入庠年八十三而卒

許蘭茂妻建氏子未週歲夫亡翁亦繼逝氏力營兩喪
盡哀盡禮姑病左右服侍寢食俱廢事庶姑 氏
一如事姑教子夜讀己以紡績伴之自十九 寡

年今五十有二子士珍入邑庠

廩生呂廣韶繼妻劉氏年十八韶故前妻子銘方二
歲氏撫育之既婚生子嘉猷銘亦亡子婦王氏勵
節如其姑嘉猷長娶妻梁氏生子方彌月嘉猷復
早逝梁年十九母憐其少梁曰兩世孀姑皆以

顯我何敢有異志守節撫孤今歷三十餘年

梁培妻梁氏年二十五夫亡守節撫孤歷三十

縣副 以勵節全貞表之

韓延祐妻高氏年二十夫故氏

壽九十歲卒

貢生張予采妻焦氏年二十四而寡遺子在抱繼

在堂氏上事下撫艱苦備歷學使于廣表曰翠栢

青雲現年七十八歲

梁國正妻陳氏年二十六夫亡子幼家貧氏忍饑耐

寒志終不渝壽八十五卒前令程世綏以清操如

霜表其門

生員党之狂妻姚氏年二十二夫亡扶柩至壙欲投

穴相殉家人勸以親老子幼乃止毀面矢志孝事

靈寶縣志

卷之四

列女

十九

翁姑教子夜讀必令三鼓方休子視明弱齡入庠

享年七十有一卒

生員周遇午妻張氏年二十二夫亡事親撫孤守節

三十餘年

程錦妻許氏二十六歲而寡家極貧親老子幼紡績

以供朝夕歷四十餘年

姚會魁妻亢氏年二十夫亡氏事老翁撫幼子苦節

三十二載

楊璧妻建氏年二十二夫歿守志孝親撫遺孤成人

現年五十有四

馬夢熊馬夢麒兄弟繼逝夢熊妻趙氏年二十九無子取姪爲嗣夢麟妻年二十七子方四歲妯娌同心守節撫子成立現年俱七旬

席英妻李氏年十九夫亡子甫三月家貧翁老氏苦志竭力奉親撫子者三十六年

增生韓延禧妻彭氏夫亡無子側室裴氏年二十生子甫四歲二氏共勵冰操五載彭亡裴獨守六十年壽八十卒
徽守節

貢生王建極妻蘓氏極歿氏年二十七子在懷抱立志守節事老撫幼年至七十有二卒前令許珽表曰霜筠難老

廩生張秉忠妻王氏陝西華陰縣都堂王公孫女山東德平縣知縣張鍾之子婦也夫病謂氏曰我必不起爾年少無子勿待終喪當別圖氏卽剪髮投夫前泣誓不渝夫歿以侄嗣撫育之奉親曲盡色養守節三十六載

生員張尹 妻 氏 三夫亡守節撫孤四十年

如一日

生員張進忠妻張氏年二十七而寡子亦亡撫侄孫
嗣守貞四十三載現年七十歲

增生荆方妻仇氏夫亡以侄嗣教誨成立守志時年
二十五卒年八十有一歲

張賓心妻蕭氏年二十八無子而寡撫嗣子四十八
年壽七旬有六卒

閩國寧妻毋氏十九歲夫亡無子取嗣撫養歷三十
餘年

任綱妻荆氏夫故子甫三月氏年二十五矢志守節
翁病侍湯藥久而不懈及歿殯葬如禮至今四十
餘年子克成立

劉壯猷妻張氏年二十四而寡翁老子幼氏冰操自
守辛勤四十載鄉鄰稱之

李友桂妻建氏適桂四載夫亡無子以侄嗣守節五
十餘年

趙琨妻孟氏十九夫亡遺孤一歲氏事親撫孤苦節
五十餘年

三歲氏志矢冰霜撫如己出守節四十三年

韓宏烈妻焦氏年二十六而寡子二俱幼氏苦節自守年逾七旬卒

白爾綦妻劉氏年二十三夫亡子三歲翁以哭子死竭力殯葬隻身撫孤歷三十七年

蘓僚妻韓氏年二十四夫亡遺子二俱幼氏撫之成立現年七十餘

張姓妻黃氏年二十五夫故遺週歲子文光氏撫育長成娶妻何氏年二十文亦早逝遺二子何與姑

撫之成人黃年八十歲何年五十有八俱存

劉文炳妻何氏年二十四夫亡守節撫子歷五十七年一

何鍾恒妻許氏年二十一夫故無子取姪爲嗣守節五十五年卒

盧化臣妻賈氏年二十三夫亡子幼苦守五十餘載現年七十有五

王應題妻杜氏年十八夫亡誓志守節事姑孝撫遺腹子成立現年五十五歲

梁秉義妻趙氏年十七夫亡子月餘氏撫孤五載子
殤居數歲俟弟居仁生子乃取爲嗣翁姑老病扶
掖起卧節孝之稱孚於鄉里年今五十

焦封之妻任氏年二十七夫亡子幼氏苦節自守歷三
十餘年卒

生員冀護側室楊氏子 疆子婦狄氏楊二十六而
寡守節四十二年狄二十七而寡守節三十年姑
媳同志人稱美之

郭金靈妻趙氏自二十一歲守志歷六十二載壽八
十有三卒

靈寶縣志

卷之四

列女

二十四

劉珍妻何氏于歸未一載夫亡無孤可守姑諷以意
氏曰我去姑將誰依乃取侄嗣事親撫子備極孝
慈現年七十有四

何欽朱繼室樊氏年十八夫亡遺二子皆出前室氏
撫如己出守志不渝凡四十三年

史儘妻李氏二十五夫亡子幼家貧氏績紡無虛日
寧忍饑不敢過用久之家日起子亦成立現年七
十七歲

荆有德妻常氏年二十一夫亡子幼翁姑以家貧欲令他適氏曰改節從人寧餓死不忍爲此乃藉織紡奉親育子歷三十年始終不渝云

楊莪妻尚氏年十九夫亡子身撫孤家貧屢每至糧絕勸之嫁則曰改節而生何如死之爲愈苦節四十五載年六十有六卒

張幼學妻史氏夫亡氏年十九遺孤三歲家徒壁立以女工給朝夕寒冬織紡十指皆裂苦節四十年子克成立前令張表曰節操維風

史楠妻蘓氏年二十四夫亡無子翁姑憐之氏誓無他姑歿翁再娶張氏少氏二歲氏事之不異前姑翁亡張感其孝願與同守蘓現年六十有四

何卜齡妻趙氏二十五夫亡子方數齡氏冰操自誓撫孤成立年今六十有三卒邑副張表曰追芳

共孟

盧元輔妻張氏年二十夫故氏守節撫子始終不渝年今六十有九

史讀妻張氏年二十一夫亡子幼氏事親撫子守節

三十有九年

梁維桓繼妻王氏年十六夫亡前妻子蘭氏撫之及生孫大壯方八歲蘭亦逝氏撫孫娶妻生曾孫

正僅三歲大壯復早逝氏復撫曾孫成立壽八十六歲卒

卯榮臻妻杲氏年二十七夫亡子六歲亦逝氏取堂孫爵承子嗣育之成人享壽八十四歲卒

李景袞妻喬氏年二十夫亡家極貧紝紡爲活奉親育子守節六十餘載卒

靈寶縣志

卷之四

列女

一十六

段蘭儒妻張氏年二十一夫亡姑老子甫三月氏矢志自守歷四十餘年子已成立

李周魏妻許氏年二十而寡貧無寸土遺孤二藉紡織育之又有族弟李固英夫婦物故遺子銘兒方六歲氏憐其無依留之家撫猶己子苦節五十年尚存

李元聖妻李氏年十九夫亡守志不移事翁姑撫遺腹子脩歷艱苦至今四十年

屈撥妻李氏夫亡子幼家甚貧女工度日自康熙五

十年守節現年六十二歲

生員王璣妻陳氏二十二歲夫亡老翁八十一歲孤
兒義兆方三歲氏百般辛苦竭力殯葬老翁盡心
撫育孤兒苦節五十餘載壽七十五而終

儒童賀漢斗妻李氏十八歲適斗越五載夫亡遺子
本立甫三歲氏甘心守節撫孤成立現年六十八
歲

焦九仁妻杜氏年二十九歲夫亡家極貧親族勸之
嫁誓不從抱嬰兒紡織易食夫弟又故其婦改嫁

遺侄孤幼氏與己子同撫俱至成立守節二十六
年現年五十四歲

何大脩妻崔氏一十九歲夫亡遺子何遠舉方二歲
氏誓不再嫁事奉翁姑撫育幼子遠舉今已入監
邑令 周給匾曰勁節凌霜現年五十七歲

王清妻謝氏二十五歲夫亡糟糠自咽織紡以供翁
姑撫育二子成立七十三而卒

李宗文妻梁氏二十而寡家貧無 遇荒歲藜藿奉
親拾薪供饗撫遺腹子克至成立今已六十二歲

里民

常于十一

餘歲日甚一日何張原係

之有不更二夫之說乃閉戶自縊而死其貞

可嘉云

王光啟妻毛氏舉人王毓 祖母年二十五夫逝子

二俱幼翁姑衰老家極貧事親撫孤艱苦備至守

志五十二年卒

母知前妻閭氏性貞烈有焦監者欲強污之氏力

靈寶縣志

卷之四

列女

二十八

起嚙其肘抱憤自縊時值盛暑數日如生蚊 不

集縣聞于憲抵焦罪請旌建坊

吉祥妻陳氏二十一夫亡無子且貧無寸土氏寄食

母家守節五十八載現年八十六歲

庠生趙陞韓妻黃氏二十五歲夫亡子方彌月氏撫

育娶妻後氏子夫婦繼亡氏取堂孫洽爲嗣守四

十餘年邑令 江以 極旌之年九十一而

齊炎妻彭氏夫亡氏二十五歲子甫三月氏事姑

禮撫子成立學使汪旌以完節紹徽七十三歲而卒

齊戎繼妻賈氏二十二歲適戎撫前妻遺子恩勤鞠育一如己出未幾戎亡氏苦志守節撫子成立前

令 楊給扁旌獎

張行吉妻趙氏年二十夫亡子三歲家甚貧氏績紡爲活間或斷火子啼饑以菜根啖之艱苦之狀人不忍聞年今五十三

生員蔣瑛妻趙氏二十五而寡子廷進方四十日氏

靈寶縣志

卷之四

列女

二十九

堅心守節遇歲歉己寧枵腹不令姑缺于供訓子有方今廷進列國庠氏年五十有九

陳嗣忠妻王氏性貞烈年十九夫亡氏誓以死殉父母且謹防之至夫亡之百日携奠至塋前地痛哭淚盡繼以血扶歸卧床閉口絕食閱六日卒李宏顯妻南氏年二十五夫亡遺子三歲家極貧紡績度日苦節三十餘年

趙振華妻王氏年十九夫亡無子以侄嗣守節三十

餘載

生員何嘉珍妻許氏年二十八夫故矢志撫孤年七十三卒

孟惠妻詹氏年二十二夫亡子三歲氏苦撫遺孤四十餘載年六十三卒

監生韓蘇妻李氏夫亡時年二十五子公磊方四歲氏矢志冰霜育子成立現年六十九歲

蘓金彩妻彭氏年十九夫亡遺腹生子張成兒氏矢志不二撫孤成立苦節三十五年今卒

薛大臨妻張氏年二十三夫亡子數月氏矢志守節

事翁姑及祖翁姑能體厥志撫子入國學歷年四十有七邑令 多以心堅金石 旌之

荆有仁妻楊氏幼以孝聞于歸後二十四而夫亡守志撫孤姑病請以身代姑歿哀毀骨立壽七十有三卒邑令 周表曰松筠毓馨

于時趁妻焦氏年十七適時趁二十一夫亡守節四十九年年七十卒

劉琚妻譚氏十九夫亡苦節三十餘年現年五十餘何有章妻李氏十八適有章夫亡子幼氏苦志守節

現年六十餘

李如蘭妻杲氏十九夫亡無子取胞侄彈兒爲嗣守節三十七載現年六十六歲

孫世奇妻薛氏十九夫亡子方彌月氏苦志貞節四十餘年現年七十二歲

趙洪祚妻張氏年二十夫亡氏冰操自持苦節五十四年現年七十四歲

